



AN TACHT CORR-THRÁDÁLA, 1995

CONTAE CHIARRAÍ

FODHLÍTHE (CORR-THRÁDÁIL) 2017

**(CARRCHLÓS THRÁ NA BEANNAÍ, AN BHEANNACH,
CONTAE CHIARRAÍ)**

**CONTAE CHIARRAÍ
FODHLÍTHE (CORR-THRÁDÁIL) 2017
(CARRCHLÓS THRÁ NA BEANNAÍ, AN BHEANNACH, CONTAE CHIARRAÍ)**

I bhfeidhmiú a cumhachtaí faoi Alt 6 den Acht Corr-Thrádála, 1995, faoin Acht Rialtais Áitiúil 2001, agus faoi Chuid 1 de Sceideal 14A den Acht um Athchóiriú an Rialtais Áitiúil 2014, déanann Comhairle Contae Chiarraí leis seo na Fodhlíthe seo a leanas maidir le Corr-thrádáil ag Carrchlós Thrá na Beannaí, an Bheannach, Contae Chiarraí a rialú, rialáil, maoirsiú agus a riart.

LUA:

Féadfar na Fodhlíthe seo a lua mar Fhodhlíthe (Corr-thrádáil) Chontae Chiarraí 2017 (Carrchlós Thrá na Beannaí, an Bheannach, Contae Chiarraí). Cúlghairtear leis seo Fodhlíthe (Corr-thrádáil) Chomhairle Contae Chiarraí 1997 i ndáil leis an mBeannach, Contae Chiarraí.

TÚS

Tiocfaidh forálacha na bhFodhlíthe seo i bhfeidhm ar an **26ú Márta, 2018**. I gcás achomhairc, tiocfaidh na Fodhlíthe i bhfeidhm ar dháta a ndearbhaithe dheireanaigh ag an gCúirt Dúiche nó ag an gCúirt Chuarda cibé is infheidhme.

1. SAINMHÍNITHE:

Sna fodhlíthe seo beidh feidhm ag na sainmhínithe seo a leanas -

Ciallaíonn “an tAcht” anseo an tAcht Corr-Thrádála, 1995.

Ciallaíonn “an Chomhairle” anseo Comhairle Contae Chiarraí.

Ciallaíonn “Oifigeach Údaraithe” duine a cheaptar faoi Alt 10 den Acht le bheith mar oifigeach údaraithe.

Ciallaíonn “Corr-thrádáil” (faoi réir díolúintí a liostaítear anseo thíos) earraí a dhíol in áit (lena n-áirítear bóthar poiblí) a bhfuil rochtain ó cheart ag an bpobal air nó áit ar bith eile ar limistéar corr-thrádála é.

Ciallaíonn “Limistéar Corr-thrádála” talamh ainmnithe ag fodhlíthe faoi Alt 6 den Acht mar limistéar inar féidir corr-thrádáil a dhéanamh.

Ciallaíonn “Áit/Spás/Bá Corr-thrádála” an limistéar singil uasta, uimhrithe ar an Léarscáil atá ceangailte de na fodhlíthe seo, sa Limistéar Corr-thrádála ar féidir le duine atá i mbun corr-thrádála a áitiú.

Ciallaíonn “Ceadúnas Corr-thrádála” anseo ceadúnas a dheonaítear faoi Alt 4 den Acht.

Ciallaíonn “Corr-thrádálaí/Sealbhóir Ceadúnais” duine ar bith atá ceadúnaithe dul i mbun corr-thrádála de bhun “an Acharta” agus na bhfodhlíthe seo agus folóidh sé sin a s(h)eirbhísigh nó gníomhairí más údaraithe iad i scríbhinn faoi na Fodhlíthe seo.

Tá le “ceant Ollannach” an bhrí a shanntar dó in Alt 1(1) den Acht.

Ciallóidh “imeacht” anseo imeacht ar bith a ligtear an pobal isteach ann, cibé faoi réir tálle nó saor in aisce, arna údarú le bheith ar siúl ag Carrchlós Thrá na Beannaí, an Bheannach, Contae Chiarraí.

Ciallóidh “Ceadúnas Imeachta” anseo ceadúnas corr-thrádála a dheonaíonn an Chomhairle chun dul i mbun corr-thrádála ag imeacht nó imeachtaí a shonraítear sa cheadúnas imeachta de bhun Alt 4(1)(a)(iii) den Acht.

Ciallóidh “Sealbhóir Ceadúnais Imeachta” duine ar bith a dheonaítear ceadúnas imeachta dó nó di chun dul i mbun corr-thrádála ag an imeacht a shonraítear sa cheadúnas imeachta de bhun an Acharta agus na bhFodhlíthe seo agus folóidh sé sin a f(h)ostaithe, seirbhísigh nó gníomhairí más údaraithe iad i scríbhinn i gcomhréir leis na Fodhlíthe seo.

Ciallaíonn “Bruscar” substaint nó rud, bíodh sé ceaptha mar dhramhaíl nó ná bíodh (seachas dramhaíl de réir bhrí an Acharta um Bainistiú Dramhaíola, 1996, a choinsínítear i gceart lena diúscairt), a bheidh nó ar dócha go mbeidh sé, nuair a chuirtear in áit í nach gabhdán bruscair í nó in áit eile ainmnithe go dleathach chuige sin, mímhaiseach, díobhálach, samhnasach nó míshláintíoch, ann féin nó in éineacht le substaint nó rud eile den saghas sin, beag beann ar a mhéid nó a thoirt nó ar fhairsinge an diúscartha.

Folaíonn “Díol” anseo díol a aontú nó díol a thairiscint, a chur ar taispeáint le díol, nó tairiscint ar cheannach a lorg.

Folóidh “Stalla” anseo aon stalla nó bosca, bara, cairt, leantóir, carbhán, feithicil nó gléas iompair rothach nó inchorraithe a úsáidtear le haghaidh corr-thrádála.

Ciallaíonn agus folaíonn “Feithicil” gach gléas iompair, bíodh sé inneallghluiste ná bíodh, do dhaoine, tárgí margaidh ná earraí ná rudaí.

2. DÍOLÚINTÍ:

Mar a shonraítear in Alt 2 den Acht, ní folaíonn corr-thrádáil:-

- (a) díol ar ceant (seachas ceant Ollannach) ag sealbhóir ar cheadúnas ná ar chead atá i bhfeidhm de thuras na huaire faoin Acht um Cheantálaithe agus Gníomhairí Tithe, 1947 go 1973
- (b) díol le duine in áit ina bhfuil cónaí air ná uirthi ná ina mbíonn sé ná sí i mbun gnó
- (c) díol a léiríonn an díoltóir ina leith -
 - (i) gur chun críocha carthanúla a úsáidfear aon bhrabús uaidh ná chun críocha eile nach dtuillfear aon bhrabús príobháideach uathu, agus
 - (ii) nach chuir an díoltóir, ná a s(h)eirbhísigh ná a g(h)níomhairí a fhabhróidh aon luach saothair, sochar, gnóchan ná brabús uaidh.

3.AINMNIÚ:

- 3.1 Ainmníonn an Chomhairle leis seo an limistéar, a bhfuil imlíne dhearg timpeall air ar an léarscáil atá ceangailte de seo, ag Carrchlós Thrá na Beannaí, an Bheannach, Co. Chiarraí, mar áit inar féidir corr-thrádáil a dhéanamh (dá tagraítear sna Fodhlíthe seo mar “an Limistéar Corrthrádála”).

- 3.2 Beidh Corr-thrádáil ag Carrchlós Thrá na Beannaí teoranta agus srianta do limistéar corr-thrádála.
- 3.3 Ní rachaidh corr-thrádálaí/sealbhóir ceadúnaí i mbun corr-thrádála ach amháin laistigh den spás a shainítear mar limistéar corr-thrádála, a aithneofar le cur síos i gceadúnaí an tsealbhóra nó a dhéanfar an deighilt a léiriú le péint nó i gcás imeacht sonrach nó imeachtaí sonracha ag suímh a d'fhéadfadh an Chomhairle a cheadú de bhun Alt 4 (1)(a)(iii) den Acht.
- 3.4 Déanfar Corr-thrádáil sa limistéar corr-thrádála ar na laethanta seo a leanas - ó Dé Luain go dtí Dé Domhnaigh (7 lá).

4. CEADÚNAS CORR-THRÁDÁLA

- 4.1 Mar a luaitear in Alt 3 den Acht, ní rachaidh duine i mbun corr-thrádála ach amháin más seirbhíseach nó gníomhaire é nó í ag duine den saghas sin, a bhfuil ceadúnaí corr-thrádála aige nó aici, atá i bhfeidhm de thuras na huaire agus go ndéantar an chorr-thrádáil i gcomhréir leis an gceadúnaí.
- 4.2 Eiseoidh an Chomhairle na Ceadúnaí Chorr-thrádála.
- 4.3 Cuirfear iarratas ar cheadúnaí corr-thrádála faoi bhráid na Comhairle tráth nach déanaí ná 30 lá roimh an chéad lá ar a bhfuil sé i gceist dul i mbun corr-thrádála agus déanfar é ar an bhfoirm a phorordaítear sna Rialacháin ón Aire.
- 4.4 Eiseofar ceadúnaí corr-thrádála do thréimhse nach faide ná 12 mhí.
- 4.5 Le Ceadúnaí Corr-thrádála ceadófar don chorr-thrádálaí ainmnithe air dul i mbun corr-thrádála ag bá chorr-thrádála shonraithe.
- 4.6 Ní dhíolfaidh ná ní thrádálfaidh an corr-thrádálaí/sealbhóir ceadúnaí ach earraí laistigh de na catagóirí fairsinge a shonraítear i bhFodhlí 4.7 (Fearas Surfála a Fhruiliú/Bia/Tae/Caife a Dhíol).
- 4.7 Beidh táille cheadúnaí infíoctha nuair a eiseofar an Ceadúnaí Corr-thrádála Leagtar amach scála na dtáillí le haghaidh seirbhís corr-thrádála sa tábla seo thíos:-

Seirbhís corr-thrádála á soláthar	Méid na Bá	Táille Cheadúnaí
Fearas Surfála a Fhruiliú	Bá Bheag (6m * 4.0m)	250 euro
	Bá Mhór	500 euro
Díol bia/tae/caife	Bá Bheag (6m * 4.0m)	250 euro
	Bá Mhór	500 euro

- 4.8 Ní aisíocfar táille cheadúnais i gcás go ndéantar ceadúnas a chúlghairm.
- 4.9 Déanfar corr-thrádáil i gcomhréir le téarmaí agus coinníollacha Ceadúnais Corr-thrádála agus na bhFodhlíthe seo.
- 4.10 Ní féidir ceadúnas a aistriú.
- 4.11 I gcás go sáraítear na Fodhlíthe seo nó téarmaí agus coinníollacha an Cheadúnais Corr-thrádála, féadfaidh an Chomhairle an ceadúnas a chúlghairm.
- 4.12 Sula ndéanfar cinneadh ceadúnas a chúlghairm tabharfar fógra 21 lá tríd an bpost don chorr-thrádálaí/sealbhóir ceadúnais ina dtabharfar sonraí an tsáraithe agus tabharfar le fios go bhfuil sé i gceist ag an gComhairle an Ceadúnas a chúlghairm. Tabharfaidh an Chomhairle aird ar aon aighneachtaí i scribhinn a dhéanfaidh an corr-thrádálaí/sealbhóir ceadúnais sula ndéanfar cinneadh an ceadúnas a chúlghairm.
- 4.13 Féadfaidh an Chomhairle, dá lánrogha féin, cead a thabhairt go n-úsáidfidh trádálaí eile áit trádála a leithdháiltear faoi cheadúnas corr-thrádála nuair nach bhfuil sé in úsáid ag an trádálaí ar leithdháileadh an ceadúnas air.
- 4.14 Aon cheadúnas láithreach a deonaíodh le haghaidh Charrchlós Thrá na Beannaí faoi Fhodhlíthe (Corr-thrádáil) Chontae Chiarraí 1997 measfar gur Ceadúnas Corr-thrádála bailí é don chuid eile den tréimhse a shonraítear i gCeadúnas den saghas sin.
- 4.15 Coimeádann an Chomhairle an ceart aon choinníoll, ach é a bheith réasúnta, a chur leis an gCeadúnas Corr-thrádála.
- 4.16 Coimeádann an Chomhairle an ceart ceadúnais imeachta a dheonú do chorr-thrádálaithe le haghaidh imeachtaí speisialta.
- 4.17 Cuirfear iarratas ar cheadúnas corr-thrádála faoi bhráid na Comhairle tráth nach déanaí ná 30 lá roimh an dáta ar a mbeidh an corr-thrádáil á déanamh.
- 4.18 Coimeádann an Chomhairle an ceart teorainn a chur le líon na gceadúnas imeachta a dheonaítear le haghaidh gach imeachta.
- 4.19 Coimeádann an Chomhairle an ceart cead a thabhairt corr-thrádáil a dhéanamh lasmuigh de na huaireanta an chloig a shonraítear i bhFodhlí 5.3 le haghaidh imeachtaí áirithe.
- 4.20 Déanfar trádáil imeachta i gcomhréir le coinníollacha sonracha a chur leis an gceadúnas imeachta agus cloífidh sealbhóir ceadúnais go daingean le coinníollacha an cheadúnais sin.
- 4.21 Beidh feidhm ag gach cuid de na Fodhlíthe seo maidir le sealbhóirí ceadúnais do thrádáil imeachta.

5. LIMISTÉAR CORR-THRÁDÁLA

- 5.1 Déanfaidh an Chomhairle bá thrádála sa limistéar corr-thrádála a leithroinnt ar chorr-thrádálaí/sealbhóir ceadúnais. Beidh méid agus suíomh gach bá faoi lánrogha na Comhairle. Ní chruthófar le leithdháileadh den saghas sin tionóntacht, ceadúnas ná teideal chun na bá. Féadfar leithdháiltí a athrú nó a chúlghairm de réir mar is rogha leis an gComhairle agus ní bheidh said inaistrithe.
- 5.2 Coimeádann an Chomhairle an ceart ceadúnas a dheonú agus déanfar an deonú sin ar bhealach neamhchlaonta agus trédhearcach. I gcás gur mó líon na n-iarratasóirí cáilithe ná líon na gceadúnas corr-thrádála atá ar fáil, cuirfear san áireamh cuspóirí beartais shóisialta agus cúiseanna uileghabhálacha eile maidir leis an leas poiblí lena n-áirítear cumas cruthaithe seirbhísí a chur ar fáil/a sheachadadh.
- 5.3 Ní dhéanfar corr-thrádáil ach le solas an lae.
- 5.4 Beidh an chorr-thrádáil teoranta don bhá thrádála sa limistéar corr-thrásála a shonraítear sa Cheadúnas Corr-thrádála agus beidh an stalla trádála go hiomlán laistigh de shrianta na bá trádála dá tagraítear sa cheadúnas.
- 5.5 Leithdháilfear bá thrádála amháin an corr-thrádálaí/sealbhóir ceadúnais.
- 5.6 An Chomhairle a cheadóidh cineál an stalla a úsáidfear.
- 5.7 Ní bheidh oiread meáchain in aon stalla, ná ní dhéanfar é a lódáil ar bhealach, go mbeidh ar a chumas brú iompair sa bhrefis ar 7kg / mm.sq. a tharchur chuig aon cheann dá thacaí ná an dromchla ar a chuirtear é.
- 5.8 Ní bheidh aon stalla níos airde ná 2.75m (ó leibhéal na tálún).
- 5.9 Beidh aon ghineadóir a úsáidfear i gcomhar le stallaí corr-thrádála i gcomhréir le leibhéal torainn inghlactha agus beidh deimhniú déantóra ag teastáil chun an tsonraíocht sin a dhearbhú.
- 5.10 Coimeádfaidh gach corr-thrádálaí/sealbhóir ceadúnais a stalla agus a c(h)uid earraí, trealmh ná rudaí eile laistigh den bhá thrádála a leithdháiltear air nó uirthi. Ní bheidh aon earraí ná rudaí ar crochadh os cionn an limistéir lasmuigh den bhá thrádála a leithdháileadh.
- 5.11 Ní mór don chorr-thrádálaí/sealbhóir ceadúnais aon stallaí agus aon earraí ná rudaí eile a aistriú ón mbá thrádála a leithdháileadh air nó uirthi agus ón limistéar corr-thrádála ag deireadh an lae trádála.
- 5.12 Beidh an Chomhairle i dteideal aon stallaí, feithicí, trealmh agus earraí a fhágtar sna limistéir chorr-thrádála de shárú ar na Fodhlíthe seo a aistriú.
- 5.13 Ní dhéanfar feithicil, leantóir ná stalla, nach feithicil, leantóir ná stalla le sealbhóir ceadúnais corr-thrádála ná lena s(h)eirbhíseach ná gníomhaire é atá ag teastáil le haghaidh corr-thrádála a loiceadh i limistéar corr-thrádála. Ní dhéanfar aon fheithicil eile faoi úinéireacht shealbhóir an cheadúnais corr-thrádála, nár loiceadh i limistéar corr-thrádála, a loiceadh i gCarrchlós na Beannaí (Prom), a dhéantar a rialáil faoi Fhodhlíthe Carrchlós Chomhairle Contae Chiarraí 2006 (arna leasú).

- 5.14 Ní dhéanfar aon fheithiclí/stallaí corr-thrádála a loiceadh thar oíche laistigh den limistéar corr-thrádála, laistigh den charrchlós.
- 5.15 Coimeádfaidh an corr-thrádálaí/sealbhóir ceadúnais a b(h)á chorr-thrádála glan agus slachtmhar agus saor ó bhruscar. Beidh an corr-thrádálaí/sealbhóir ceadúnais freagrach as socruithe maidir le dramhaíl a dhiúscairt. Déanfar aon dramhaíl a aistríonn an corr-thrádálaí/sealbhóir ceadúnais a dhiúscairt ar bhealach atá i gcomhréir leis an Acht um Bainistiú Dramhaíola, 1996 agus le haon reachtaíocht chumasúcháin a dhéanfar ina leith. Aon chorr-thrádálaí/sealbhóir ceadúnais a sháróidh an Fodhlí seo beidh sé nó sí faoi dhilteanas a c(h)iontaithe faoi na hAchtanna um Thruailliú ó Bhruscar 1997 go 2009 nó aon reachtaíocht chumasúcháin bhreise a d'fhéadfá a dhéanamh ina leith sin, dlífear a c(h)eadúnas corr-thrádála a chúlghairm.
- 5.16 Ní dhéanfaidh corr-thrádálaí/sealbhóir ceadúnais trádáil, ní loicfidh feithicil, ná ní fhágfaidh bruscar i mbá thrádála eile sa limistéar trádála ná ní chuirfidh isteach ar bhá thrádála eile ann ná ní chuirfidh isteach ar cheartúsáid duine ar bith eile as an Limistéar Corr-thrádála Ainmnithe.

6. BAINISTÍOCHT

- 6.1 Duine a dhéanann iarratas ar an gComhairle le haghaidh ceadúnas corr-thrádála tabharfaidh sé nó sí don Chomhairle an fhaisnéis a iarrtar san fhoirm iarratais ar cheadúnas de bhun Alt 4 den Acht in éineacht le cibé faisnéis a d'fhéadfadh an Chomhairle a iarraidh chun críocha a cumhactaí agus a feidhmeanna faoin Acht a fheidhmiú. Má theipeann ar dhuine an Fodhlí seo a chomhlíonadh féadfaidh an Chomhairle diúltú ceadúnas a dheonú don duine sin.
- 6.2 Féadfaidh an Chomhairle ceadúnas corr-thrádála a chúlghairm má tá sí sásta go bhfuil nó go raibh coinníoll den cheadúnas á shárú nó má chiontaítear i gcion maidir le hiompórtáil, sealbhú nó díol earraí nó i gcion faoin Acht an duine ar deonaíodh an ceadúnas dó ná di le linn dó ná di bheith ina s(h)ealbhóir ceadúnas corr-thrádála.
- 6.3 Ní bheidh an Chomhairle freagrach as aon mhaoin, earraí ná trealamh de chineál ar bith a fhágtar in aon pháirt den limistéar corr-thrádála ná as aon chaillteanas, damáiste ná díobháil a éiríonn as gníomhartha an chorr-thrádálaí/an tsealbhóra ceadúnas.
- 6.4 Tabharfaidh an corr-thrádálaí/sealbhóir ceadúnais don Chomhairle polasaí árachais reatha bailí de €6.4 milliún le haghaidh aon teagmhais amháin le cuideachta aitheanta árachais, a thabharfaidh slánaíocht don Chomhairle i leith aon éilimh a éiríonn as a (h)iompar i mbun corr-thrádála sa limistéar corr-thrádála. Cuirfidh fógra foirceannta polasaí an Ceadúnas Corrthrádála ar neamhní agus ní bheidh aon éifeacht leis, agus i gcás mar sin éireoidh an sealbhóir ceadúnais, lena n-áirítear seirbhísigh agus gníomhairí an iarratasóra, as trádáil agus fágfaidh an limistéar folamh agus faoi rialú na Comhairle arís.
- 6.5 Ní dhíolfaidh ná ní thrádálfaidh an corr-thrádálaí / sealbhóir ceadúnais ach earraí laistigh de na catagóirí fairsinge a shonraítear ina c(h)eadúnas.

- 6.6 Cuirfidh corr-thrádálaí/sealbhóir ceadúnais, le linn dó nó di bheith i mbun trádála, a c(h)eadúnas ar taispeáint in ionad feiceálach san áit trádála lena mbaineann, ionas go bhfuil sé soléite do bhaill den phobal.
- 6.7 Corr-thrádálaí/sealbhóir ceadúnais a bhfuil baint aige nó aici i ndíol nó taispeáint earraí bia, a ceapadh lena chaitheamh ag an duine, comhlíonfaidh sé nó sí na Rialachán Sláinteachais Bia chuí agus riachtanais Fheidhmeannacht na Seirbhísé Sláinte nó aon reachtaíocht chumasúcháin bhreise a d'fhéadfaí a dhéanamh ina leith, agus ní mór d'iaratasóirí ar Cheadúnas Corr-thrádála, i ndáil le bia a dhíol, fianaise maidir le comhlíonadh Rialachán den saghas sin a sholáthar.
- 6.8 Ní chraolfar caint agus/nó ceol ó aon chóras aimpliúcháin meicniúil nó leictreach ná ó raidió ná ó fhearas atáirgthe ceoil ag an mbá thrádála.
- 6.9 Ní chuirfidh corr-thrádálaí/sealbhóir ceadúnais bac ar thrácht, choisithe, ar shlí isteach ná ar shlí amach an charrchlóis ná ar shruthú saor tráchta laistigh den charrchlós.
- 6.10 Ní chuirfidh corr-thrádálaí/sealbhóir ceadúnais bac ar thrácht, ná ní bheidh ina c(h)úis le bac, ar bhealach ar bith, a chur ar thrácht ar bhóthar poiblí, cosán ná ceart slí poiblí.
- 6.11 Ní dhéanfaidh corr-thrádálaí/sealbhóir ceadúnais trádáil ar bhealach a chuirfidh, ná ar dócha go gcuirfidh, múisiam ar dhuine.
- 6.12 Ceapfaidh an Chomhairle daoine le bheith ina nOifigigh Údaraithe chun críocha an Acharta agus chur i bhfeidhm na bhFodhlíthe seo.
- 6.13 Comhlíonfaidh corr-thrádálaí/sealbhóir ceadúnais gach iarraidh dlíthiúil agus treoir ó Oifigeach Údaraithe ná ó bhall den Gharda Síochána.
- 6.14 Beidh corr-thrádálaí/sealbhóir ceadúnais freagrach as comhlíonadh na bhFodhlíthe ag a s(h)eirbhísigh, gníomhairí, cúntóirí agus fostaithe.
- 6.15 Coimeádann an Chomhairle an ceart Ceadúnas Corr-thrádála a dheonú ná a dhiúltú.
- 6.16 Soláthróidh corr-thrádálaí/sealbhóir ceadúnais, ar a iarraidh sin, a C(h)eadúnas Corr-thrádála reatha d'Oifigeach Údaraithe ná do bhall den Gharda Síochána. Trádálaí a theipeann air ná uirthi a c(h)eadúnas corr-thrádála a chur ar fáil, ar a iarraidh sin ó Oifigeach Údaraithe ná ó bhall den Gharda Síochána, stadfaidh sé ná sí láithreach de bheith ag corr-thrádáil agus aistreoidh a c(h)uid maoine, trealmh agus feithiclí ón limistéar corr-thrádála.
- 6.17 Corr-thrádálaí/sealbhóir ceadúnais a theipeann air ná uirthi orduithe réasúnta ón gComhairle ná ó ghníomhairí na Comhairle a chomhlíonadh, féadfaidh an Chomhairle ná a gníomhairí a c(h)uid earraí a aistriú láithreach agus iad a stóráil, agus dlífear na costais a thabhaíonn an Comhairle ar an gcorr-thrádálaí/sealbhóir ceadúnais.
- 6.18 Féadfaidh an Chomhairle, dá rogha féin, i gcás nach n-úsáideann corr-thrádálaí/sealbhóir ceadúnais a b(h)á thrádála ar feedh tréimhse leanúnach le linn mhíonna an tsamhraidh agus ar feedh 3 lá ar a laghad idir 10.00 r.n. agus 3.00 i.n. le linn na tréimhse ó 1 Meitheamh go 31 Lúnasa, fógra a thabhairt don chorr-thrádálaí/sealbhóir ceadúnais, go bhféadfar an ceadúnas a chúlghairm agus an bhá a leithdháileadh ar an gcéad iarratasóir cáilithe eile i gcomhréir le huimh. 5.2 de na fodhlíthe seo.




- 6.19 Feadfaidh an Chomhairle, agus an cinneadh á dhéanamh maidir le ceadúnais corr-thrádála bhliantúla a athnuachan/eisiúint, dá rogha féin, an úsáid a bhain an corr-thrádálaí/sealbhóir ceadúnais i gcaitheamh na bliana roimhe sin a chur san áireamh.
- 6.20 Feadfar a iarraidh ar an gcorr-thrádálaí/sealbhóir ceadúnais a stalla a bhogadh go sealadach má tá imeacht nóimeachtaí sonracha arna n-údarú le bheith ar siúl laistigh den charrchlós, nó i gcás go bhfuil forbairt arna húdarú ag an gComhairle le déanamh laistigh den charrchlós.
- 6.21 Coimeádfar ar a laghad 3 lá le haghaidh gníomhaíochtaí uisce, lena n-áirítear fruiliú trealamh i gcomhair gníomhaíochtaí den saghas sin.
- 6.22 Coimeádfar ar a laghad 3 bhá le haghaidh bia agus deoch a dhíol.

Arna ndéanamh faoi Shéala Oifigiúil Chomhairle Contae Chiarraí

Dar dáta an 14 lá de Márta 2018.

I LÁTHAIR agus Séala Oifigiúil Chomhairle Contae Chiarraí á ghreamú de seo:-


Cathaoirleach nó Fostaí Aimníithe



Project Name	Comments	Date
Proposed Casual Trading Bays at Banna Beach Car Park 1	For Information Only	2010
Client:	Referee:	2010/01/01
Mark Bradley	Operator:	
Manager:	Patrick O' Brien	
Design:		
Contractor:		

KERRY COUNTY COUNCIL ROAD DESIGN OFFICE	
Chairman of Environment, Planning & Sustainable Development, S.C.C.	Chairman, KCC, C.R.O., Director of Services, Operations, Health & Safety, Kerry County Council.